

العرض على الله | الحلقة (41) | #شبابيك | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى اللهم لك الحمد كله ولك الملك كله وببيدك الخير كله واليك يرجع الامر كله. اللهم صل على محمد وعلى - 00:00:00

ال محمد كما صليت على ابراهيم وعلى ال ابراهيم انك حميد مجيد. اخواني واحبابي في الله. اخواتنا الفاضلات الكريمات ربنا يبارك فيكم يا اخواني يعني ونحن نتكلم عن خطط لمستقبلك. واحنا بنتكلم في برنامج شبابيك. واحنا ازاى نفتح شبابيك على الحياة؟ واحنا بنتكلم ازاى نخطط - 00:00:20

لمستقبلنا واحنا بنتكلم يا جماعة عن اخطر محاور في مستقبلنا كلها. احنا بنتكلم الوقتي عن العرض على الله. خططي للعرض على الله خطط لهذه اللحظة يا جماعة الموضوع محتاج تخطيط. يا اخواننا علماء الادارة بيقلولوا عدم التخطيط والتخطيط للفشل. طب اذا كان ده قالوه على الدنيا امال على الاخرة يبقى شكله ايه - 00:00:40

واحنا بنخطط للعرض على الله. العرض على الله يا جماعة احداث رهيبه واسئلة رهيبه. وفي ناس مش واحدة بالها فاكدة العرض على الله ده حاجة ابسط من كده. من ضمن الاحداث الرهيبة اللي - 00:01:00

بتحصل في العرض على الله. واللي هنقف معها في حلقة الليلة. ولانم ناخذ بالننا منها كويس جدا. يؤتى بالاسلام يوم القيامة. كلمة الحسن البصري. راح الله! يؤتى بالاسلام يوم القيامة ساعة العرض على الله! وتلاقي الاسلام جاي لك. وتلاقي من ضمن الشهود اللي يشهدوا عليك الاسلام. دين الله يؤتى بالاسلام يوم - 00:01:10

القيامة فيقول يا رب هذا نصرني. يا سلام! يا بخت اللي الاسلام هيقول عليه كده. يا بختك! والله باحسده من الوقت. فيقول قل يا رب هذا نصرني. يا رب ده وقف معي. يا رب ما سابنيش في زنقة. يا رب ما سابش نازلة لغزة. ولا للعراق ولا لفلسطين - 00:01:30
ولا لاي مكان في الدنيا الا واه وقف مع الدين فيها. يا رب ما سابش نازلة من نوازل الدعوة الا ووقف فيها. يا رب هذا نصرني. ويا رب هذا اسألني يا رب كان كل تفكيره في دينه. كان كل تفكيرها في نفسها في مكياجها في حياتها في متعها. ما فكرتش يا رب ازاى تنصرتي؟ ما عاشوش عشاني - 00:01:50

يا رب ما ضحوش عشاني يا رب ما جاهدوش عشاني يا رب. فيقول يا رب هذا نصرني. ويا رب هذا خذلني. حتى اذا اجيء بعمر ابن الخطاب قال الاسلام يا رب كنت غريبا حتى اسلم عمر لحد ما هذا الرجل اسلم يا رب وحصل - 00:02:10

نقلة نوعية في الدعوة من يوم ما دخل الاسلام. يا ترى الاسلام هيقول عليك كده؟ يا رب انا كنت غريب في الجامعة الفلانية. في الكلية الفلانية. في النادي الفلاني تاني في القرية السياحية الفلانية. في المنطقة السكنية الفلانية. في منطقة الفل الفلانية. في الجيم الفلاني. يا رب انا كنت غريب - 00:02:30

حد ما فلان التزم لحد ما فلان التزم اتقلبوا كل حاجة يا رب. في المدرسة الفلانية في الشارع الفلاني في العيلة الفلانية في القطاع التجاري الفلاني في الشركة الفلانية كت غريب يا رب لحد ما الاقيه التزمت. كنت غريب يا رب لحد ما نهو التزم. يوم خمسة وعشرين سبعة - 00:02:50

الفين واربعناشر انت كنت فين؟ انا خايف ان الاسلام يسألك قدام ربنا. السؤال دا هو ان الاسلام يسألك قدام ربنا يوم خمسة وعشرين سبعة الفين الفين واربعناشر معزم شباب مصر ومعظم شباب الامة العربية كان قدام ماتش نهائي كاس العالم في اليوم ده. كان قدام المانيا وهي بتلعب قدام الارجنتين في - 00:03:10

اليوم ده في اليوم ده اليهود ضربوا غزة. في اليوم ده بنت اضرب البيت بتاعها وهي مع اهلها. بنت طفلة طلعت تجري وكل في الاهلاء
طلعوا يجروا بتقول وانا بجري انا لقيت كل الناس بتهرب من المنطقة والمنطقة بقت خراب. ببص على والدي ببص على اخواتي ما
لقتش اي حد منهم. ما اعرفش وما كنش - [00:03:30](#)

ينفع ان انا اقف فضلت اجري ما لقتش مكان والقصف مستمر لحد ما لقيت بيت حسيت ان القصف بعيد عنه بتقول دخلت رميت
نفسي وهي بتنزف وهي مجروحة وهي بتموت مستنية ان حد هيجي ينقزني بتقول قعدت في البيت ده مستنية اول يوم اموت من
الجوع ومن العطش هموت - [00:03:50](#)

من النزيف وما حدش جه. ثاني يوم المنطقة كلها خراب والقصف مستمر وما حدش جه. ثالث يوم وهي تكاد تهلك من الجوع
والعطش والنزيف. اخيرا اليهود سابت قذف للمنطقة وجم الناس جم دوروا في المنطقة وطلعت البنت ودوها المستشفى بعد ما فاقت
من اجراءات الاغاثة - [00:04:10](#)

الى اول ما فاقت سألت عن كل اهلها اللي كانوا معه في البيت. عرفت ان كلهم اتقتلوا في القصف. عرفت ان ما فيش ولا واحد منهم
فضل. اللحظة دي انت كنت فين؟ اللحظة دي انت كنت فين؟ مش ربنا سبحانه وتعالى بيقول محمد رسول الله. والذين معه. عارف
يعني ايه معه؟ يعني معه. يعني مع دين ربنا في - [00:04:30](#)

كل نازلة يعني لا يمكن الدين يتعرض لازمة وانتاش موجود فيها. لما يجي لما ربنا لما الاسلام يسألك قدام ربنا انت كنت فين في اليوم
ده؟ هتقولي له ايه في اليوم ده ام اتقاصف المنطقة اللي هي فيها. كل الناس سابت المنطقة وهربت منها. ابنها خد قزيفة. ابنها ولعت
في جسمه نار - [00:04:50](#)

امه شالته وطلعت تجري بتدور على عربية تنقلها المستشفى ما فيش. كل المنطقة خراب تدور على حد يشيل معها ابنها ما فيش.
طلعت تجري برجليها تنقل ابنها للمستشفى وابنها بيولع بين ايديها. قبل ما توصل المستشفى كان ابنها اتحرق. كان ابنها بقى جسة
ميتة من ايديها. اللحظة دي انت كنت فين؟ اللحظة - [00:05:10](#)

انت كنت فين؟ انت فين؟ انت فين؟ ربنا بيقول والذين معه. والذين معه يعني شايلين قضية الدين في كل نازلة بتحصل للامة في
نازلة الدعوة. في نزلة القرى السياحية اللي وصلت لدرجة من الفجور لا يتخيله حد. انت كنت فين وانت كت فين؟ طيب خمسة
وعشرين سبعة الفين واربعناشر يا سيدي انا كنت مشغول - [00:05:30](#)

يوم ثلاثة اربعة الفين واثنين. انت كنت فين؟ يوم ما اليهود حاصروا مخيم جنين ونفزت كل قدرة على المقاومة من اهل فلسطين.
ودخل اليهود طعموا مخيم جنين وحطوا قنبلة قدام البيوت عشان الام اللي تنزل تدور لولادها على اكل تنفجر فيها القنبلة تموت. اب
قبل ما القصف يبدأ بدقايق - [00:05:50](#)

بعث بنته عشان تجيب لهم اكل. البنت نزلت عشان تجيب اكل. اللحظة ديت بدأ القذف. الاب طلع مفزوع ملهوف على بنته في البلكونة
يدور عليها القناصة اليهود لقطوه ضربوه بالنار. نزل في البلكونة يعني وهو جثة تنزف بيموت. مراته حاولت انها تنقذه. اليهود منعوا
اي حد - [00:06:10](#)

انه يخرج في اي نافذة من النوافذ بقى بينزف قدام ولاده بيموت قدام ولاده ممنوع ان هو ينقلوه مستشفى لحد ما مات. عايزين
يشيلوا فيدفنوها ممنوع القصف استمر عدة ايام. لحد ما الاب جسسته تعفت قدام ولاده. وممنوع ان حد يشيل اي جثة وينقلها. انت
كنت - [00:06:30](#)

فين؟ في اليوم ده انت كنت فين؟ في اليوم ده انت كنت بتعمل ايه؟ في اليوم ده انت نمتي وانت بتحلمي بايه؟ في اليوم ده انت
صحيت وانت طموحاتك شكلها ايه - [00:06:50](#)

افراحك في اليوم ده بسبب ايه؟ وكانت احزانك في اليوم ده بسبب ايه؟ يؤتى بالاسلام يوم القيامة. فيقول يا رب هذا نصرني. ويا
رب هذا خذلني ويا رب هذه خذلتني خافي. خاف احسن الاسلام يقول عليك كده. حتى اذا جيع بعمر قال الاسلام يا رب - [00:07:00](#)
كنت غريبا حتى اسلم عمر. ده موقف من مواقف العرض على الله. ان الاسلام يسألك ويسألك انت كنت فين في اللحظات بتاعة

الازمات؟ انتم كنتم فين؟ في اللحظات الفارقة في تاريخ الاسلام في الوقت اللي انت عشت فيه. يا اخواننا يوم خمسة يونيه سبعة وستين. يعني ممكن يكون اللي عايشين معنا - [00:07:20](#)

اللي لسه اللي عايشين من ايام اللي اترضوا في اليوم ده يعني الوقت بقوا كبار. كنت فين في اليوم ده؟ عارفين في اليوم ده لما اليهود اسروا الجنود المصريين في سينا عملوا فيهم ايه - [00:07:40](#)

عارفين عشان ما تنسوش مين هم اليهود؟ عشان ما تنسوش عملوا فينا ايه؟ عارفين عملوا فيهم ايه؟ يعني يعني يهودي في اليوم ده قتل الفين مصري في عشر دقائق واحد من القاهرة بتوعهم قتل عشرين الف مصري في الاسرى المصريين. انت متخيل عسكري بيقول مجند بيقول اتأسرت في اليوم ده - [00:07:50](#)

اتأسرت بقوا يجيبوا العسكري ينزعوا الضوافر بتاعته او يحطوا حاجة في عينيه يعموه واللي يصرخ ويقول اه يقتلوه. بيقول عرفت في اليوم ان انا اهرب على مستشفى العريش عشان اتعالج هناك وهو مجروح. بيقول ثاني يوم الصبح لقينا حد بينادي من تحت الجنود المصريين الجرحى ينزلم عشان - [00:08:10](#)

ننقلهم في القاهرة عشان يتعالجوا وينالوا علاج مكثف عالي هناك. الجنود نزلوا فرحانيين ان حد هيهتم بهم علاجيا. واذا بها خدعة من مجنات يهوديات بيتكلموا مصري بطلاقة وماسكين على الدبابات الرشاشات بتاعتهم حصدوا كل الجنود اللي نزلوا وقتلوه. يعني صفوا - [00:08:30](#)

زباط لما مسكوه وقتها في الاسر حطوه جنب بعضه كدهوت والكلام ده يا جماعة في افلام. الكلام ده في افلام متصورة حطوه وبقوا يعدوا بالدبابات عليه يعدوا بالدبابات رايح جاي عليه. احنا كنا فين؟ احنا فين من ازمات الامة؟ كانوا عايزين يقتلوا الضباط ومش عارفين الزابط من العسكري لان الكل بيشيل الرتب بتاعته. فعمل - [00:08:50](#)

عطشوا الاسرى ثلاث تيام وبعد كده جابوا طنبور مية كبير وفتحوا الحنفيات بتاعته. الكل جري عشان يشرب ماية قالوا لهم عندكم زباط يشربوا الاول. الزباط فرحوا جروا اتاري انها خدعة حصدوهم كلهم برة الشاشات. يعني انتم متخيلين يا جماعة - [00:09:10](#)

ان الاسلام مر بايام ومر بمواقف عصيبة وكانت ناس في الايام دي في الامة بتاكل وبتشرب وعاشية حياتها. احنا فين من اللي بيحصل للامة؟ احنا فين من اللي بيحصل لدين ربنا احنا فين من اللي بيحصل للاسلام؟ الاسلام هيشهد لك ولا هيشهد عليك؟ الاسلام شاهد لنا؟ ولا شاهد علينا؟ انا مش قادر اقطع قلبكم - [00:09:30](#)

كن بقصص ولكن من ضمن الحاجات اللي عملوها كانوا عايزين اي حد بيعرف يقرأ ويكتب يتخلصوا منه. مش عايزين المسلمين يبقى فيهم حد عنده اي تعليم. قالوا لهم الصليب الاحمر - [00:09:50](#)

عايز اسمائكم عشان يديكم الحقوق بتاعتكم. بتاعة حقوق الاسرى. ادوهم ورق واقلام. اي جندي مسك ورقة وقلم يكتب اسمه عرفوا ان هو بيعرف يقرأ تكتب ضربوه بالنار القناصة ضربوه بالنار خدوا ناس قتلوهم عشان يبيعوا اعضائهم في تجارة الاعضاء او عشان ياخذوا الدم - [00:10:00](#)

بتاعهم ينقلوه للجرحى بتوعهم في هذه الحرب. للدرجة ديت حفروا انفاق. كانوا يدخلوا فيها جنود ويردوهم عليهم بالجير الحي يدفنوهم احياء. انتم متخيلين الحقد اللي في قلبهم علينا؟ الحقد اللي في اهل الباطل على الحق. طب فين الحب اللي في قلبنا احنا للحق؟ طب اذا كان ده جهد اهل الباطل - [00:10:20](#)

كل نصره الباطل. احنا فين جهدنا لنصرة الدين؟ احنا فين جهدنا لنصرة الاسلام؟ انا عايز اقول ايه؟ انا عايز اقول تعالوا نقسم الشاشة نصين. تعالوا نقسم نصين وفي نص من النصين نخط منظر يعني احنا انتم عارفين احنا بنصرف على استيراد الفساتين السواريه كل سنة قد ايه - [00:10:40](#)

انتم عارفين حجم تجارة المخدرات في بلادنا وسنويا وصل لكم مليار؟ دولارا انتم عارفين استيراد الميك اب والمكياج والروج وكل انواع الميك اب الحريمي وصلت لكam مليون سنويا عندنا انتم عارفين يا جماعة ان فيه ثري عربي - [00:11:00](#)

الكل بتاعه عمل له فرح كلفه ملايين يعني بالعملة بتاعتهم ايا ما كانت العملة بتاعة بلده ايه. كلفه ملايين عشان يعمل فرح القلب

بتاعه انتم عارفين رجل الاعمال اللي قال على فريق الكرة اللي بيعبه ان كل جون هيتجاب في الماتش الفاصل بتاع الدوري ده بمليون جنيهه للعب اللي جاب الجون ده - [00:11:20](#)

انتم متخيلين يا جماعة؟ متخيلين حطوا ده في شاشة وحطوا المسلم اللي في افريقيا الوسطى ولعوا فيه من يومين وحرقوه حي. قدام الشاشات حطوا المشهد ده وحطوا قصاده منزرا انا شفته ده عيني فيديو في افريقيا الوسطى مسلم وكل ملفوف حواليه -

[00:11:40](#)

حسوا بضده وواحد نزل عليه باجلة كسر له عضمه وهو لسه ما ماتش. قام واحد جايب حجارة كبيرة وقعد يرقص بها وبعد كده قامها بدعة على دماغه برضه لسه ما ماتش قام واحد ثاني جايب عجلة ثانية وقعد يكسر بها جسمه لحد ما ارضع قتيل وهم قاعدين

يرقصوا ويفرحوا فرحانين - [00:12:00](#)

بالمنزr اللي هم بيعملوه في واحد مسلم. تخيلوا يا جماعة الاسلام هيشهد علينا ولا لنا يوم القيامة. لما ده حصل واحنا احياء. يعني سعد ابن ربيع الانصاري وهو بيموت في غزوة احد قال لهم اخر وصية لا عذر لكم ايها الانصار عند الله. ان خلص الى رسول الله صلى

الله عليه وسلم - [00:12:20](#)

وفيكم عين تطرف. احنا الوقتي خلص للاسلام واحنا بناكل ونشرب ونايمين في بيوتنا وكل حاجة في حياتنا تمام التمام. فين هم الدين في حياتنا؟ انا دلوقتي اكلمك عن العرض على الله. انا دلوقتي باكلمك على العرض على الله. انا الوقتي باكلمك على الاسئلة.

اللي انت هتتسألها بين ايدين ربنا. انما اصحاب النبي. يا ترى - [00:12:40](#)

مين هيشهد لهم ولا عليهم؟ يا ترى صحابة النبي اللي طلعا في غزوة تبوك الف وخمسمية كيلو متر على رجليهم؟ سابوا الدنيا وسابوا الثمار بتاعة المدينة. وراحوا اكبر امبراطورية في العالم وهي الروم. وكان السبعة بيعتقدوا على بعير. يعني كل واحد يمشي على

رجليه ستة كيلو في الالف وخمسمية كيلو - [00:13:00](#)

تركب كيلو وانا داخل المدينة المنورة ولقيت مكتوب تبوك حوالي تمنميت كيلو متر. انا قلبي الجعز. يعني يا حبيب الله محمد عليك الصلاة والسلام. وانت عندك اتنين وستين سنة يا رسول الله. ولسه لك شهور على موتك. طلعت من المدينة تمنميت كيلو رايح

وتمنميت كيلو متر جاي. عشان دين ربنا دول الاسلام - [00:13:20](#)

يشهد لهم ولا هيشهد عليهم؟ النبي عليه الصلاة والسلام بيقول زلت شعرا ليس لي ولاهلي طعام الا ما يوارى النبي عليه الصلاة والسلام بيروي كلام معناه انه فضل شهر ما لوش اكل غير الاكل اللي بلال بيخبيه عشان يأكله للنبي عليه الصلاة والسلام ولاسرة النبي

عليه الصلاة والسلام - [00:13:40](#)

سلام. انا عايز اقول لكم يا جماعة الصحابة جاعوا قد ايه عشان الدين. ابو هريرة كان بيسقط من الجوع قدام منبر النبي عشان يتفرغ

لجمع العلم من النبي عليه الصلاة والسلام - [00:14:00](#)

النبي خرج مرة من الجوع لقي ابو بكر خارج في الشارع بالليل قال له ما اخرجك؟ قال له الجوع. لقي عمر قال له ما اخرجك؟ قال له

الجوع. قيادة الدولة العليا - [00:14:10](#)

زائد ثلاثة بتوع الدولة اكبر ثلاث مراكز في الدولة خارجين في الشارع بالليل من الجوع. من الجوع يا جماعة. استحملوا في شعب ابي

طالب كلوا ورق الشجر فعل لاصحاب النبي عليه الصلاة والسلام استحملوه عشان ينصروا دين ربنا سبحانه وتعالى. دول الاسلام

هيشهد لهم ولا عليهم؟ سمية رضي الله عنها. رقم - [00:14:20](#)

اضعف الاسلام سنة واحدة اسلمت جوزها وابنها من كتر التعذيب استسلموا قدام المشركين وهي رفضت وظلت تتعذب وهي تعلن

شهادة التوحيد. ابو جهل قدامها قال لها سبي محمد وانا اتركك. ما رضتشي. فقال لها سبي محمد ما لقتش اجابة - [00:14:40](#)

غير ان هي تجمع البصاق في فمها ثم تبصق في وش ابو جهل. ابو جهل حس ان كرامته اتهدرت قدام الناس. شال الحربة وطعن

السيدة سمية قتلها قتلها عشان بتدافع عن النبي عليه الصلاة والسلام. الوقتي شبابنا اللي بيموت في جرعة مخدرات زائدة زي ما

بنشوف في المستشفيات. واللي بيموت - [00:15:00](#)

ان لعب الكورة بتاعه جاب الكورة في العارضة من كتر الخوف احسن يبجي جون في الفريق بتاعه. يبجي له سكتة قلبية. واللي

يبجي له سكتة قلبية لان البرصة الاسهم اللي هم - 00:15:20

اقدام فيها نزل تمنها واللي انتحرت لما المغني بتاعها مات. واللي انتحرت وانا رايح درس لقينته ميتم. قلت لهم يا جماعة ده المفروض درس. قالوا لي بنت عندها سبعتاشر سنة حبيبها اهلها ما رضوش يجوزوها لها قتلت نفسها النهاردة. واحد شاب بكلمه على قهوة في

جولة من الجولات. قال لي صاحبي - 00:15:30

حبيبته اللي ببحبها والده بعده عنها رمى نفسه من فوق العمارة. قتل نفسه. شوفوا هم كانوا بيموتوا ليه؟ واحنا بنموت ليه؟ شوفوا هم هيقابلوا ربنا على هو احنا هنقابل ربنا على ايه؟ يا ترى يا جماعة الاسلام لما كلنا كلنا نقف بين ايدين ربنا؟ الاسلام هيشهد لك ولا

هيشهد عليك؟ الاسلام هيشهد - 00:15:50

انك نصرته ولا هيشهد ان انت خذته سيدنا مصعب ابن عمير مراته الجميلة الشابة الصغيرة حنة بنت جحش البنت الجميلة يسبيها ويودعها عشان يخرج يقاتل عن النبي عليه الصلاة والسلام في غزوة احد. ويقااتل اشد القتال وفجأة الموقف اتقلب. وفجأة المشركين

يتقلبوا على المسلمين - 00:16:10

ويلاقى النبي عليه الصلاة والسلام في خطر سيدنا مصعب يمسك الراية في ايد ويمسك السيف في ايد ويفضل يقاتل بالسيف عن النبي عليه الصلاة والسلام ويمسك رؤية مصمم ان راية لا اله الا الله تفضل مرفوعة. يقطعوا ايديه. لو انت في ايدك موبايل واحد في

ايد موبايل وايديه اتقطعت. هيدور على ايد موبايل. يدور على - 00:16:30

سيف ويمسكه بايده الثانية عشان يدافع ويدور على الراية ويمسكها عشان يقطعوا ايديه الثانية. يحط الراية في رقبته ما بين رقبته وصدره يذبوه ويسقط مقتول امام النبي عليه الصلاة والسلام. ده الاسلام هيقول نصره ولا هيقول خذله. لما يوم القيامة يبجي سيدنا

حمزة شاييل كبده على حوض النبي - 00:16:50

كدوا اللي عضته هند اللي عضته هند بنت عتبة في غزوة احد لما يلاقي كبده قدامه وتقول له انت عامل كده ليه؟ يقول لك ده ده في سبيل الله وتلاقي عبدالله ابن جحش جاي بطنه بالكورة وامعاه بتنزف. يقول لك ده ده في سبيل الله. وتلاقي مصعب جاي دمه

بينزف متقطع في سبيل - 00:17:10

في الله هتقول ايه؟ هتقف هتقرب من النبي ساعتها ازاى؟ هتقف بين ايدين ربنا في العرض على الله وتقول للاسلام ايه؟ لما دول

يشهدوا باللي هم عملوه عشان دين ربنا - 00:17:30

سبحانه وتعالى. يا اخوانا عايزين نركز مع بعض. عايزين نعيش مع بعض. عايزين نخطط للعرض على الله. عايزين نخطط للموقف الرهيب ده لما عبد الله ابن حذافة السهمي ملك الروم اسره ودخل عليه خمر ولحم خنزير بعد ثلاث تيام جوع وعطش. بص ولحم

خنزير ايه بقى؟ ده مشوي - 00:17:40

اكيد يعني اللي جايه له في شكل رهيب. نظر وقال اني لاعلم ان لي رخصة ان اكل من هذا. وان اشرب من هذا ولكني لا اشمتم اعداء

الله في دين الله. انا ما شمتهمش فينا. يا شمتهم فينا. مع كل شاب لابس سلسلة. وماشي - 00:18:00

مع بنت على الكورنيش وهي كاشفة شعرها وعلاقة محرمة يا شمتهم فينا من الحوارات اللي بتحصل ما بين شبابنا وبعضه وشبابنا بنات على السكايب ولا على الفيسبر ولا على الواتس يا شمتهم فينا وهم بيفتحوا الاعلام بتاعنا ويشوفوا التبرج اللي وصل له

المسلمات - 00:18:20

زيه زي التبرج اللي وصل له غير المسلمات. يا ترى الاسلام هيشهد لنا؟ ولا هيشهد علينا؟ يا ترى ساعة العرض على الله؟ دين ربنا هيشهد لك كله هيشهد عليك انا مش عارف اقول ايه يا جماعة. ومش عارف اسيب ايه. مش عارف افكر الموقف اللي كنت لسه

بحكيه لبناتي. وانا بحكي لهم الهجرة - 00:18:40

الصحابه ضحوا بحياتهم. قد ايه عشان الهجرة؟ ما انا بحكي لهم موقف ابو سلمة وخارج مع مراته سلمة وخارجين وشايلين ضاهم بسلمة ويخرج قومها يقولوا له واخذ بنتنا ورايح فين هاتها ياخدوا مراته يخرج قومه ويقولوا له طب ضانا سلمة واخدينه ليه؟

يقوموا واخذين سلمة وهو يلاقي نفسه وحيد - 00:19:00

يصمم انه يروح للنبي عليه الصلاة والسلام. الاسرة تتقطع ثلاث حنت في لحزة. سلمة عند قوم ابوه وام سلمة عند قومها وابو سلمة هاجر النبي عليه الصلاة والسلام سنة كاملة الاسرة متمزقة. لحد ما يعني ربنا فرج الكرب ولم شمل الاسرة في دار الهجرة. الناس دي

استحملت - 00:19:20

الناس دي الدين هيشهد لها قد ايه؟ الناس دي الدين هيقول يا رب دول اللي كانوا سبب في انتشاري في الارض. يا رب انت كم واحد

غير مسلم اسلم بسببك؟ انت - 00:19:40

انت كم واحدة متبرجة اتحجبت ولبست حجاب امهات المؤمنين بسببك. انت كم نازلة من نوازل الاسلام ادافع عن الاسلام فيهم بسببك. انت كم شاب غير ملتزم تاب الى الله بسببك؟ انت كم واحد عمره ما سمع دين سمع عن ربنا بسببك؟ انت كم فقير هيموت من

الجوع كل - 00:19:50

خرب بسببك. انتم يا جماعة عملنا ايه لامة محمد والذين معه؟ عملنا ايه لامة النبي عليه الصلاة والسلام؟ عملنا ايه؟ لدين ربنا دين ربنا

بايه؟ هتقول لي ايه؟ هتقول له ايه؟ ماذا ستقول لربك غدا؟ هتقول له ايه؟ لما الاسلام يشهد - 00:20:10

على اللي انت عملته معه في الدنيا. هتقوله لربنا ايه؟ وهتقول لربنا ايه؟ ساعتها اللحظة دي هنتمنى في العرض على الله فيه ناس

هيسقط لحم وجوهها من الخجل يا ترى احنا هنفرح ساعة العرض على الله ولا هتسقط لحم وجوهنا من الخجل في هذه اللحظات

الرهيبة وفي هذه اللحظات - 00:20:30

العصيبة هنقول لربنا ايه؟ لما الاسلام يشهد علينا قدام ربنا والاسلام هيشهد علينا بايه؟ قدام ربنا. مش عايزين ننسى الزاكرة بتاعتنا.

يوم مشارون دخل في مزبحة صابرا وشتيلة. يوم ما جابوا امرأة مسلمة حامل في الشهر التاسع. فرغوا الرشاش - 00:20:50

في رقبته قتلوها وبعد كده بسكينة فتحوا بطنها وطلعوا الجنين ودبحوه. يوم ما دخلوا صابرا وشتيلة وشارون جاب الاعضاء بتاعة

الاطفال وعملها عقد عشان يتباهى به بها قدام الجنود اليهود اللي زيه ويقول لهم شوفوا انا عملت ايه في المسلمين - 00:21:10

يوم ما طفل عنده ست سنين جروا وراه. الطفل جري على امه اترمى في حضنها. وهم بيجروا وراه وهو في حضن امه ضربوه بالنار

قتلوه جوة حضن امه. فضلت هزه - 00:21:30

المرأة المسلمة مجنونة الى ان ماتت. جن عقلها وفخها وفقدت عقلها الى ان ماتت. لما جابوا ام اغتصبوها قدام اولادها وبعد كده

ولادها قدام عينها. لما الاسلام يشهد. يوم القيامة هيقول على المسلمين ايه؟ هيقول على المسلمين ان الكلام ده حصل وهم عايشين

وشاربين وواكلين - 00:21:40

وبيصيفوا في الساحل او في الغردقة او في شرم هيقول عليهم ايه وبيسهرها قدام القنوات او قدام مواقع النت اللي بيتبسطوا

قدامها طول الليل هيقول عليهم ايه الاسلام هيشهد لك ولا هيشهد عليك؟ هذا يعني كان وقفة في ضمن الكلام اللي احنا بنتكلمه في

العرض على الله - 00:22:00

واحنا بنخطط للنجاة ساعة العرض على الله. واحنا بنخطط لاخت كتابنا باليمين ساعة العرض على الله. العرض على الله في نهايته يا

بتاخدي كتابك باليمين يا بتاخديه بالشمال يا بتاخدي الكتاب اللي بتدخله به الجنة بطاقة دخول الجنة يا اما والعياذ بالله. يعني

الاخرى ساعة العرض على الله هناخد كتابنا باليمين - 00:22:20

ولا هناخد كتابنا بالشمال؟ اخواني واحبابي في الله يجب ان نفكر في هذا الامر. ويجب ان يعني اه اه يعني ان ننتبه لهذه القضية

الخطيرة. خطط لمستقبلك. خطط لمستقبلك لانك هتعرض على الله وسيدنا بلال هيعرض على الله. وهيقول يا رب يا رب لما الاسلام -

00:22:40

لما يجي يشهد عليه. يا رب انا كانوا بيربطوا رجلي في فرس وفي عز حر مكة يجردوا ضهري من اي ملابس. والفرس يجري جلد ضره

يتسلخ من النار ومن الكحت على الارض. قل خطط للعرض على الله. خططي لشهادة الاسلام عليك. لانك انت هتعرضي على الله -

00:23:00

انت انت وسيدنا خباب سيدنا خباب هيقول يا رب الاسلام لما ييجي يشهد عليها يقول يا رب انا كنت اقف اصلي ام انوار كانت
تكويني بالنار يطلع الدخان مكان كوي السيف من على راسي واسقط مغشيا علي. هيقول يا رب انا انا ضحيت بعمرى كله عشان دينك
يا رب. خطف - [00:23:20](#)

اطلب مستقبلك. خطط للحظة العرض على الله. لاني وانت بتعرضي على الله هيجي سيدنا خبيب رضي الله عنه. وهيجي الاسلام
يشهد وهيقول يا رب انا اتعلقت على نخلة في التنعيم وابو سفيان جه لما اسروني وقعد يخليني اتضرب بالسهم في ايديا ورجلي
عشان يقطعوا في جسمي - [00:23:40](#)

وانا لسه حي وانا في قمة الالم وهم بيعزبوني حي قبل ما يقتلونني. جابوا سفيان وقال لي اتحب انك في اهلك وبيتك؟ ومحمد ابن
عبدالله مكانك. قلت له يا رب والله ما احب اني في بيتي ورسول الله صلى الله عليه وسلم يشاك. بشوكة - [00:24:00](#)
يا رب انا نصرت دينك لآخر لحزة في عمري. ولاخر لحزة في حياتي. ساعتها هتقولي لربنا ايه؟ ساعتها هتقول لربنا ايه؟ الصحابة
عندهم اللي يقولوه لربنا الصحابييات عندهم اللي يقولوه لربنا انت عندك اللي تقولي لربنا انت عندك اللي تقوله لربنا انا عندي اللي
اقوله - [00:24:20](#)

ربنا عايزين نخطط ربنا ينجينا يا رب. ربنا يجعلنا ممن يأخذون كتابهم باليمين. ربنا يجعلنا من اهل الفردوس الاعلى. ربنا يجعلنا من
من الذين مع محمد عليه الصلاة والسلام في الدنيا وفي الآخرة. ربنا يجعلنا من اصحاب الرسالة الذين يحملون دينه وينصرون دينه.
عشان لما ييجي الاسلام - [00:24:40](#)

شهد علينا يوم القيامة نقول يا رب احنا عشنا عشان دينك. ومتنا عشان دينك يا رب. وما استسلمناش ابدًا مهما كانت الحرب على
الاسلام سبحانه اللهم وبحمدك اشهد ان لا اله الا انت استغفرك واتوب اليك - [00:25:00](#)

- [00:25:20](#)